



Broj: 0101-11913-4/21
Sarajevo, 22. 11. 2021. godine

Na osnovu člana 131. stav (5), a u vezi sa članom 118. stav (2) i stav (3) Zakona o visokom obrazovanju („Službene novine Kantona Sarajevo“ broj 33/17, 35/20, 40/20 i 39/21), člana 62 Statuta Univerziteta u Sarajevu na prijedlog Vijeća Univerziteta u Sarajevu – Fakulteta političkih nauka broj: 01-3-1467-2/21 od 11. 11. 2021. godine, rektor Univerziteta donosi *sljedeću*

ODLUKU
o raspoređivanju i nastavnom zaduženju
člana akademskog osoblja

I

Raspoređuje se prof. dr Amir Duranović, vanredni profesor na oblasti *Uvod u historijsku nauku i pomoćne historijske discipline, svjetska i bosanskohercegovačka historija-novi vijek i savremeno doba* zaposlen na Univerziteta u Sarajevu – Filozofskom fakultetu, za realizaciju nastavnog procesa na Univerzitetu u Sarajevu – Fakultetu političkih nauka u studijskoj 2021/22. godini iz predmeta:

- *Politička historija svijeta*, sa opterećenjem (3 sata predavanja i 2 sata vježbi sedmično po semestru).

II

Ukoliko član akademskog osoblja iz tačke I ove odluke na matičnoj organizacionoj jedinici Univerziteta u Sarajevu-Filozofskom fakultetu ima optimalnu normu, utvrđenu Standardima i normativima za obavljanje djelatnosti visokog obrazovanja na području Kantona Sarajevo, imenovanom će se izdati posebno rješenje za rad preko norme na organizacionoj jedinici na koju se raspoređuje.

III

Ova odluka stupa na snagu danom donošenja.

Obrazloženje

Univerziteta u Sarajevu - Fakultet političkih nauka obratio se rektoru Univerziteta u Sarajevu sa prijedlogom za angažman akademskog osoblja sa Univerziteta u Sarajevu-Filozofskog fakulteta dopisom broj: 01-3-1467-2/21 od 11. 11. 2021. godine. Iz navedenog proizilazi da prof. dr Amir Duranović ispunjava sve uslove za angažman za izvođenje nastave na gore navedenom predmetu na Univerziteta u Sarajevu – Fakultetu političkih nauka, te da je radi osiguranja realizacije nastavnog procesa na navedenom predmetu u studijskoj 2021/22. godini, upućen navedeni prijedlog.

Saglasno članu 118. stavu (2) Zakona o visokom obrazovanju („Službene novine Kantona Sarajevo“ broj 33/17, 35/20, 40/20 i 39/21) ukoliko član akademskog osoblja na matičnoj

organizacionoj jedinici ima optimalnu normu, utvrđenu Standardima i normativima za obavljanje djelatnosti visokog obrazovanja na području Kantona Sarajevo, rukovodilac visokoškolske ustanove izdaje rješenje za rad preko norme članu akademskog osoblja, kojem se na matičnoj organizacionoj jedinici sabire i nastava na drugoj organizacionoj jedinici. Navedeno rješenje potpisuje rukovodilac matične organizacione jedinice, rukovodilac organizacione jedinice na kojoj će raditi član akademskog osoblja kao i rukovodilac visokoškolske ustanove. S tim u vezi, neophodno je za člana akademskog osoblja koji se raspoređuje na drugu organizacionu jedinicu Univerziteta u Sarajevu - Fakultet političkih nauka donijeti i posebno rješenje za rad preko norme na organizacionoj jedinici na koju se raspoređuje, ukoliko su ispunjeni uslovi iz člana II ove odluke.

Imajući u vidu naprijed navedeno rektor Univerziteta u Sarajevu je u skladu sa članom 118. Zakona, odlučio kao u dispozitivu.

Pouka o pravnom lijeku: Protiv ove odluke može se podnijeti prigovor Upravnom odboru Univerziteta u Sarajevu u roku od 30 dana od dana prijema odluke.



Dostaviti:

- ① Univerzitetu u Sarajevu –Fakultetu političkih nauka
- Univerziteta u Sarajevu-Filozofskom fakultetu
- Prof. dr Amiru Duranoviću, putem Univerziteta u Sarajevu-Filozofskog fakulteta
- Službi za ljudske resurse UNSA
- a/a.

Akt obradio: Mirnes Ibrić, rukovodilac Službe za ljudske resurse

Akt kontrolisao: Kenan Filipović, generalni sekretar